

HERCEGOVAČKO-NERETVANSKI KANTON  
SKUPŠTINA  
Klub Bošnjaka

Broj: 03/14

Mostar, 04.11.2014.g.

KANTONALNO TUŽILAŠTVO  
MOSTAR

TUŽILAŠTVO BIH  
SARAJEVO

#### KRIVIČNA PRIJAVA

Protiv: 1. Denis Lasić, predsjednik Vlade HNK  
2. Slađan Bevanda, minister MUP-a HNK  
3. Ivo Karačić, predsjednik Nezavisnog odbora HNK

Na natječaj za izbor policijskog komesara u MUP-u HNK a po postupku za čije provođenje je nadležan nezavisni policijski odbor, apliciralo je više kandidata.. Nezavisni odbor je na sjednici od 04.09.2014.g. donio odluku o preporuci Ilije Lasića za novog policijskog komesara.

**DOKAZ:** Kopija zapisnika sa sjednice odbora od 04.09.2014.g.

U skladu sa izglasanom odlukom te odredbama čl. 19.g. Zakona o unutrašnjim poslovima HNK, nezavisni odbor je dostavio odluku o prijedlogu za imenovanje policijskog komesara ministru MUP-a HNK radi daljeg prosljeđivanja Vladi HNK u dalji postupak, a što je ministar i uradio.

**DOKAZ:** Odluka o prijedlogu za imenovanje ravnatelja policije MUP-a HNK br. 02-17-022/14 od 04.09.2014.g.  
Propratni akt br. 02-17-023/14 od 04.09.2014.g.  
Propratni akt ministra br. 01-01-36-866-1/14 od 08.09.2014.g.

Dana 11.09.2014.g. predsjednik Vlade HNK je zakazao sjednicu za 15.09.2014.g. radi donošenja rješenja o imenovanju komesara MUP-a ili pak odbijanja prijedloga a u skladu sa čl. 19.g. st. 2. Zakona o unutrašnjim poslovima HNK.

**DOKAZ: Poziv za sjednicu vlade br. 01-1-02-1696/14 od 11.09.2014.g.**

Prijedlog imenovanja imenovanju policijskog komesara koji bi trebalo da usvoji Vlada

Sjednica Vlade HNK nije održana ali je predsjednik vlade mimo toga potpisao dopis koji je dostavio ministru MUP-a HNK tvrdeći da je odluka Vlade negativna te da se nastavi poduzimati daljnje radnje radi imenovanja komesara policije. Dakle, ignorišući činjenicu da sjednica vlade HNK nije održana isti je ustvrdio da je odluka negativna kako bi u toku dalje nezakonite procedure omogućio imenovanje Ilije Lasića za komesara.

**DOKAZ: Dopis predsjednika Vlade HNK br. 01-1-02-1713/14 od 15.09.2014.g.**

Nakon toga, ministar MUP-a HNK, Sladan Bevanda sačinio dopis prema Nezavisnom odboru kom je potvrdio da sjednica Vlade HNK nije održana zbog nedostatka kvoruma te zamolio da nezavisni odbor poduzme mjere iz svoje nadležnosti u skladu sa odredbom člana 19.g. zakona

**DOKAZ: Dopis ministra MUP-a HNK br. 02-01-36-866-2/14 od 22.09.2014.g.**

Dakle, iako svjesni da sjednica Vlade HNK nije održana, i da nije donesena bilo kakva odluka o imenovanju komesara navedena lica su fingirala kao da je donesena negativna odluka i nezakonito nastavili procedure. Naime, članom 19.g. st. 2. Zakona o unutrašnjim poslovima HNK rečeno

*"U slučaju da se Vlada kantona ne složi sa predloženim kandidatom, ona mora dostaviti pismeno obrazloženje u kojem će navesti razloge odbijanja i zahtjevati od nezavisnog odbora da ponovo razmotri svoj prijedlog."*

Iz prednje odredbe je jasno da odluka Vlade mora biti negativna te da se ista sa pismenim obrazloženjem i razlozima odbijanja vraća predlagачu na ponovno odlučivanje a što u ovom predmetu nije slučaj

Nakon toga, ignorišući činjenicu da sjednica vlade nije ni održana, da se uopšte nije raspravljalo o imenovanju policijskog komesara i da ne postoji ni negativan ni pozitivan stav Vlade HNK o predloženom kandidatu, Nezavisni odbor je u nepotpunom sastavu donio odluku o potvrđivanju Ilije Lasića za policijskog komesara i imenovanju istog na period od 4 (četiri) godine, da bi zatim predsjednik komisije Ivo Karačić svjsno zaobišao datu procedure da se takva odluka mora dostaviti Vladi HNK radi imenovanja te odluku odbora prosljedio ministru radi zasnivanja radnog odnosa.

**DOKAZ: Odluka neovisnog odbora br. 02-17-027/14 od 29.09.2014.g. sa prpratnim pismom**

Obzirom da Nezavisni odbor nije pravno lice, to odluka nije opečaćena a isti po zakonu nema ovlaštenja za imenovanje; ignorišući navedeno ministar MUP-a HNK je naložio da se Iliji Lasiću izda rješenje o koeficijentu na osnovu čega je on faktički preuzeo dužnost i počeo da obavlja funkciju komesara. Na pitanje novinara Ilija Lasić se čak pohvalio da on ima rješenje ministra o svom postavljenju.

**DOKAZ:** Da se od MUP-a HNK izuzme personalni dosije za Iliju Lasića te kopija intervjua

Iz naprijed opisanog se vidi da su navedena lica svjesno kršila zakon kako bi svog kandidata – iz reda svog naroda - po svaku cijenu pozicionirali na položaj policijskog komesara te na taj način zaokružili cjelokupni sistem gonjenja tj. komesar, minister policije i kantonalni tužilac u okvir pripadnika istog naroda, a predsjednik Vlade HNK i pored prethodnih propusta je propustio i da reaguje te dozvolio da komesar preuzme dužnost bez akta Vlade HNK o imenovanju.

Na navedeni način prijavljena lica su su počinila radnje koje imaju karakter krivičnog djela Nesavjestan rad u službi iz člana 387. KZFBiH, Lažnog predstavljanja iz člana 369. KZFBiH, Zloupotrebe položaja ili ovlaštenja iz člana 383 KZFBiH i krivotvorenje službene isprave iz člana 389 KZFBiH.

Obzirom da nadležnosti komesara policije prelaze granice kantona i entiteta jer njegovo djelovanje nije ograničeno istim to se ovakvim nezakonitim imenovanjem i postupanjem mogu nastati štetne posljedice i izvan kantona i entiteta čime postoje elementi krivičnog djela iz nadležnosti Suda BiH iz čl. 13. st. 2. tč. b. pa molimo državnog tužioca da preuzme u nadležnost ovaj predmet.

Predsjednik Kluba Bošnjaka u Skupštini HNK

Ramiz Jelovac

Kopija dostavljena Uredu Visokog predstavnika u BiH  
SARAJEVO